

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظردقته آلتير .

كلن يازيلردن شاين قبول كورولنلر
تاسخ ميراسيله درج ايديلير .

مخفل

۱۳۳۸

دینی، علمی، ادبی، اجتماعی و شمیم بک
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آق سرایده
ملا کورانی محله سنده مهتر
سوقا غنده ۳ نومرولو خانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۱۰۰ غروش

آلتی آلتی ۵۰

جلد : ۳

مهمربات :

مخفل دینی و علمی : بایرام تبریکی و افاده مخصوصه - طاهر المولوی . جمعه غسلی ، جمعه نمازینه
ایرکن کیتک ، جمعه وقتی آلیش ویریشک تعطیلی ، وظیفه و جمعه نمازی - طاهر المولوی . علم اساطیر -
طاهر المولوی . عالم اسلام و عرقلر مسئله سی - سعدی بک .

مخفل ادبی : توحید و تمجید باری - محمد صادق افندی . نعت شریف - توقادی زاده شکیب بک .
رباعی - شیخ عبدالباقی افندی . غزل - محی الدین رائف بک . آفاق تنوری و انفسک تحسری - طاهر المولوی .

مخفل تاریخی : جعفر بن ابی طالب - طاهر المولوی . شیخ عثمان شمس افندی حقهنده - حسین و صاف بک .
اسعد دده مرحومه دائر بعض خاطرات - طاهر المولوی .

اسعد دده افندی مرحوم حقهده

حسین و صاف بکه مکشوبدن

مابعد :

پدرم حاجی صفوت بکک جد مادریسی و استاد خط محمود جلال الدین مرحومک شاگرد یکانه سی اولان محمد طاهر جمال الدین افندی - که مشارالیهک اسم و مخلصه وارث اولشم - مولوی درویشی ایمش . دیمک که حسن خط ایچین محمود جلال الدینه ، حسن سلوک ایچین ده محمد جلال الدینه اقتدا ایله مش . کریمه سی عقیقه شفیقه خاتم ایسه یکی قانی مولویخانه . سنک شیخ اجل واکلی ابوالکمالین عثمان صلاح . الدین دده افندی ایله سوت اشمش . پدرمک عمجه سی محمد افندی ، سکۀ مولانای دایما باشنده طاشیر برذات ایمش . بویوک پدرم احمد افندی ایله پدرمک مولویلکه انتسابی اولوب اولمادقلرینی بیله . میورم . باباحی سکلی اولارق کورمه دم . شوقدرکه جناب پیره فوق العاده حرمتکار ایدی و لسان مشوی بی برپارچه آکلاردی . حتی پک چوقوقکن بکا (پند عطار) مقدمه سندن بر قاج بیت از برله تمشدی .

نه دیمک اولدیغنی بیله مه دیکم ، لکن آهنگدار بولوندیغنی پک اعلی ادراک ایتدیکم اوسوزلری بن تکرار ایدرکن اوده حزین حزین آغلاردی . رضاعاً و طباعاً اولان مولویلکک حسن تأثیری و پدر مرحومک چوقوقلغنده کی فیض تدریسی نتیجه سی اولمالی که بولوندیغ مکتبلرده فارسی اوکره نمیه فضلہ غیرت ایدر و رمضانلرده وقت بولدقجه فاتح جامعنده اسعدده مرحومک درسنه کیدر ، ساده فقط مؤثر اولان اوتقریری آکلایه چالیشیردم .

۳۰۸ سنه مالیه سنده (منشأ کتاب عسکریه) دن

نشأت [۱] ایله مش و اوسنه حزیرانی ایچنده پیاده داثره سنک اوچنجی شعبه سی ژورنال قسمنه ۸۰ غروش معاشرله دوامه باشلامشدم .

برطرفدن قلمه کیدیور ، برطرفدن ده فاتح جامع شریفنده - شیمدیکی امام اول - فلبه لی محمد راسم افندی حضرتلرینک درسنه مداومتله عوامل شرحی آطه لی اوقویور ، مع مافیه کندی کنده فارسی به چالیشور و اوافق تفک بعض عباراتک تفهمندن فارسی بیلیورم و همنه دوشویوردم . او صیراده امله بر (حافظ دیوانی) کچدی . علی الاکثر صحیفه لرینی قاریشدریور ، اوتنه سنی بریسی آکلایمق ظننده بولونویور ، - (سویله مه سی کوتولک) دییه بر تعمیر وارددرکه بوراسی تام یریدر - اونلری نظماً ترجمه ایتیه قالیقشیوردم .

(مابعدی وار) طاهر الطولوی

منشأ کتاب عسکریه : بایزیده کتبخانه عمومی اتصافنده کی جسم بنا داخلنده ایدی که (مقام سرعسکری = حربیه نظارتی) اقلاننه کاتب یه تیشدریمک ایچین قاسیس اولونمش بر مکتب ایدی . مدت تحصیلیه سی ایکی سنه دن عبارت اولقله برابر تدریسات مقتدر استادلر طرفندن اجرا ایدیلدیکی جهنله استفاده بخش ایدی . اوراده کی محترم سیالر آراسنده رئیس الخطاطینی محسن زاده عبدالله و آلائی بکی زاده ناجی بکارله عربی و فارسی معلملری یکتا و شاگرد افندی مرحوملری دایما تخطر ایدرم .

(سبیل الرشاد)

بر آراتق . آقره ده انتشار ایله مش اولان سبیل الرشاد مجموعه دینه سنک استانبولده و بر سابق اسبوعی اوله رق نشر ایدیله چکی خبر آینمشدر .

مجموعه نک سنه ختامی اولدیغندن طشره بایلمر منک حساب کورمه لری رجا اولونور .

مطبوعه عامره || ممبر مسئولی : طاهر الطولوی